

Disciplinski tužilac potvrdio osam ostavki i podnio tri disciplinske optužnice Visokim sudskim i tužilačkim vijećima

Disciplinski tužilac je završio istragu navoda protiv 15 sudija i tužilaca koje je Visoki predstavnik privremeno udaljio od vršenja dužnosti u maju i julu 2002. godine. Sudije i tužioci su privremeno udaljeni od vršenja dužnosti na osnovu optužbi da su počinili povredu dužnosti i disciplinske prekršaje propisane Zakonom o VSTV.

Četiri nosioca pravosudne funkcije privremeno udaljena od vršenja dužnosti podnijela su ostavku prije imenovanja disciplinskog tužioca, krajem septembra 2002. godine. Nakon iscrpne istrage navoda o povredi dužnosti i pripreme disciplinskih optužnica koje navode različite disciplinske prekršaje, disciplinski tužilac sastao se sa preostalih 11 sudija koji su privremeno udaljeni od vršenja dužnosti u toku oktobra, novembra i decembra 2002. godine. Nakon održanih sastanaka, osmero je podnijelo ostavku VSTV-ima. Prema tome, sljedećih 12 sudija i tužilaca predali su ostavku VSTV-ima, što je rezultiralo prekidom njihovih mandata da vrše funkciju:

1. Borovac Omer, Sudija Općinskog suda Goražde. Prekid mandata od 6. decembra 2002. godine.
2. Bralo Mirko, Predsjednik Općinskog suda Livno. Prekid mandata od 7. novembra 2002. godine.
3. Brekalo Ivan, Predsjednik Općinskog suda Široki Brijeg. Prekid mandata od 16. jula 2002. godine.

4. Đukić-Bajramović Fatima, Sudija Općinskog suda Zenica. Prekid mandata od 1. novembra 2002. godine.

5. Gvozdić Nenad, sudija Općinskog suda Mostar I. Prekid mandata od 11. novembra 2002. godine.

6. Janković Jevto, sudija Osnovnog suda Banja Luka. Prekid mandata 1. oktobar 2002. godine.

7. Katić Marinko, Predsjednik Općinskog suda Čapljina. Ostavka predata 16. decembra 2002. godine, prekid mandata će uslijediti.

8. Lalić Željko, Sudija Osnovnog suda Banja Luka. Prekid mandata 3. septembar 2002. godine.

9. Pjanić Hasan, Sudija Kantonalnog suda Bihać. Prekid mandata od 6. septembra 2002. godine..

10. Šilić Davor, sudija Kantonalnog suda Mostar. Prekid mandata od 11. novembra 2002. godine.

11. Tomić Milenko, Općinski javni tužilac Prijedor. Prekid mandata od 4. novembra 2002. godine.

12. Zovko Kata, sudija Kantonalnog suda Mostar. Prekid mandata od 11. novembra 2002.

Pripremljene su i podnesene ili će biti podnesene disciplinske optužnice protiv troje sudija Visokim sudskim i tužilačkim vijećima. Na osnovu dokaza koji ukazuju na povrede dužnosti koje sačinjavaju različite disciplinske prestupe, disciplinskom optužnicom se zahtijeva od Vijeća da trajno uklone od vršenja dužnosti slijedeće troje sudija.

1. Drašković Neđo, sudija Vrhovnog suda Republike Srpske. Disciplinska optužnica podnesena je 21. novembra 2002. godine. U optužnici je navedeno da je g. Drašković prekršio službenu zakletvu i iskazao nepoštivanje sudske funkcije propuštajući da dođe na sud i ispuni normu kršeći Zakon o radu

i Pravilnik o normi; pored toga, da mu je nezakonito dodijeljen stan i da koristi državni automobil za lične potrebe.

2. Stanojević Svetislav, sudija Vrhovnog suda Republike Srpske. Disciplinska optužnica će se podnijeti 16. januara 2003. godine. U optužnici je navedeno da je g. Stanojević prekršio službenu zakletvu i iskazao nepoštivanje sudske funkcije propuštajući da dođe na sud i ispuni normu kršeći Zakon o radu i Pravilnik o normi.

3. Tadić Katica, sudija Općinskog suda Livno. Disciplinska optužnica je podnesena 21. novembra 2002. godine. U optužnici je navedeno da je gđa. Tadić prekršila službenu zakletvu i iskazala nepoštivanje vladavine prava poništavanjem i preinacivanjem prethodne odluke vijeća Općinskog suda Livno, dozvoljavajući da osoba optužena za ubistvo bude puštena na slobodu odsluživši samo kratko vrijeme u pritvoru, čime je propustila da objektivno i nepristrasno postupi u skladu sa sudsksim dužnostima i u skladu sa važećim Krivičnim zakonom.

Disciplinski tužilac je odgovoran za pregled pritužbi o povredi dužnosti uloženih protiv sudija i tužilaca i ako je sudija ili tužilac privremeno udaljen od dužnosti ima šest mjeseci od dana udaljenja da pokrene disciplinski postupak podnošenjem disciplinske optužnice, ako postoji osnov za to.

Za više informacija kontaktirajte Ured za informisanje Nezavisne pravosudne komisije na telefone 061-131-785 ili 033/283-489.